

Das Erste Buch

Das XVIII. Capitel.

Fewr ausspeyen ohne Schaden.

SIm gestoffene vnd wol gebeutelte Wendenka-
len/ vnd frische Baumwolle/ mache ein Ballen/ wickels
wol in dis Pulver/ nehe es gerings weise herumb fleissig
zu/ schneide ein wenig an der einen seiten darvon/ vnd
lege ein wenig Fewr drein/ nimbs darnach fein gemachsam inn den
Munde/ berhürs auffs leiseste mit den Zeeenen/ vnd halt den Ballen
starek/ vnd blase/ so wird dir ein groß Fewr auß dem Munde ohne ei-
nige gefahr gehen. Fallop. lib. 3.

Dasß ein Mensch gantz fewrig scheine / von der Scheitel
biß auff die Solen/ vnd ihme nicht
schade.

Nim weiß Ibisck/ zerstoß mit Eyerklar/ damit salbe das Glied
wo du wilt/ laß trucken werden/ strewe gestossen Schwefel drauff/
zünds an/ so brennets ohn einigen nachtheil des Glieds/ vnd be-
streichstu die Hand damit/ so kanstu das Fewr angreifen/ ohn einze
empfindnuß.

Oder nim Schwefel/ Sperment/ gemein Baumöl/ machs an
wie eine Salbe/ damit bestreich das Haar/ Barth oder Kleider/ oder
was anders/ zünds an/ so machts ein groß Fewr/ vnd thut doch kei-
nen schaden.

Oder nim Naterwurß/ Pappelsafft/ Eyerklar/ rhürs vntereins
ander/ damit salbe Hände/ Füße/ vnd Kleider/ vnd strewe gestossen
lebendigen Schwefel drauff/ zünds an/ so wirds starek brennen/ vnd
nicht schaden. Idem lib. eodem.

Das XIX. Capitel.

Das